

decem uel quatuordecim annorum intelligendus sit, sed **HOMO** aetatem
uirilem degens, CICERONE e) et VOSSIO f) contendentibus denotetur, communi fere eruditorum suffragio receptum est. Ex PAVLI uero atrociissimi Christianorum hostis praesentia colligimus acerbitem odii in STEPHANVM. Quare non satis accurata est sententia LORINI, g) qui euincere studet, PAVLVM moleste tulisse, et inuidia stimulatum fuisse erga TESTES STEPHANI, qui tam crudeliter in condiscipulum suum, uel ut alii malunt, in affinem saeuissent. Nam licet STEPHANVS doctrinis magni illius GAMALIELIS. aequae ac PAVLVS imbutus fuerit, attamen infessissimo erga illum incensi erant odio tam TESTES, quam alii Iudei una cum SAVLO, quia nunc, uti coram *Synedrio magno* dicebant, non secundum maiorum canones uitam agere, sed nouam doctrinam suam de CHRISTO uero MESSIA diuulgare et profite ri uolebat. Deinde autem PAVLVS de se ipso fatetur, quod ipse,

L 3

prius-

e) in Oratione *Philippica* II. cap. 21. ANTONIVM annum trigesimum agens adolescentem, et in huius orationis capite ultimo, se ipsum quum iamiam quadraginta quatuor annos esset, adolescentem appellat. Porro in Epistola XXX. literarum suarum scribit: *Senectus adolescentiam sequitur*, denique tandem in oratione *pro lege Manilia* capite XXI. POMPEIVM, qui tunc temporis annum uigesimum quartum impleuerat, peradolescentem nominat, inquiens: *quid tam praeter consuetudinem, quam homini peradolescenti, cuius a Senatorio gradu aetas longe abesset, imperium atque exercitum dari?* Et in CATONE MAIORE seu in libro de *senectute* Capite II. dicit: *Obrepere aiunt eam citius, quam putassent. Primum quis coegit eos falsum putare, qui enim citius adolescentiae senectus, quam pueritiae adolescentia obrepit?*

f) VOSSIVS libro II. Institut. Orat. cap. 14. §. 5.

g) In Acta Apostol. Cap. VII. u. 59. pag. 288. b. conf. pag. 377.